

繩準治證


一一之二

松
科
別

S 125-2

F
シ-109

Kitasato Memorial Medical Library



張 滿 痘 疡

石 痘

積 聚



富士川文庫

1942

No 3668

1942-1

490.9
Sh-14
5


脹 滿

仲景云脹滿按之不痛爲虛羸者爲實可下之。
腹脹時減復如故此爲寒當與溫藥。腹滿不
減減不足言須當下之宜大承氣湯。心下堅，
大如盤邊如旋林水飲所作枳术湯主之。腹
滿口舌乾燥此腸胃間有水氣防已椒蘆丸主
之。病腹滿發熱十日脉浮而數飲食如故厚
朴七物湯主之。脾虛滿者黃芪湯芍藥停濕。脾
實滿不運平胃散蒼朮泄濕。東垣云腹脹滿氣不

脹滿


華佗

梁




轉者加厚朴以破滯氣腹中夯悶此非腹脹滿乃散而不收可加芍藥收之是知氣結而脹宜厚朴散之氣散而脹宜芍藥收之六元政紀論云太陰所至爲中滿太陽所至爲畜滿諸濕運滿皆屬脾土論云脾乃陰中之太陰同濕土之化脾濕有餘腹滿食不化天爲陽爲熱主運化也地爲陰爲濕主長養也無陽則陰不能生化故云藏寒生滿病調經篇云因飲食勞倦損傷脾胃始受熱中未傳寒中皆由脾胃之氣虛

弱不能運化精微而制水穀聚而不敢而成脹滿經云腹滿膜脹支膈胠腋下厥上冒過在太陰陽明乃寒濕鬱遏也脈經所謂胃中寒則脹滿者是也腹滿大便不利上走胸臆喘息喝喝然取足少陰又云脹取三陽三陽者足太陽寒水爲脹與通評虛實論說腹暴滿按之不下取太陽經絡胃之募也正同取者瀉也經云中滿者瀉之於內者是也宜以辛熱散之以苦瀉之淡滲利之使上下分消其濕正如開鬼門潔淨



府溫衣繆刺其處是先瀉其血絡後調其真經氣血平陽布神清此治之正也或問諸脹腹太皆屬於熱者何也此乃病機總辭假令外傷風寒有餘之邪自表傳裏寒變爲熱而作胃實腹滿仲景以大承氣湯治之亦有膏梁之人濕熱鬱於內而成脹滿者此熱脹之謂也太抵寒脹多而熱脹少治之者宜詳辨之諸腹脹大皆屬於熱此乃人益之邪有餘之證自天外而入是感風寒之邪自表傳裏寒變爲熱作胃實腹

病日晡潮熱大渴引飲謙語是太陽陽明并太實大滿者大承氣湯下之少陽陽明微滿實者小承氣湯下之經云泄之則脹已此之謂也假令痃癟爲脹滿亦有寒脹熱脹是天之邪氣傷暑而得之不卽時發至秋暑氣衰絕而癟病作矣知其寒也局方用交解飲子者是也內虛不足寒濕令人中滿及五藏六府俱有脹滿更以脈家寒熱多少較之胃中寒則脹滿濁氣在上則生腹脹取三陽三陽者足太陽膀胱寒水爲



脹腹暴滿按之不下取太陽經絡者胃之募也正同腹滿腹脹支膈脇下厥上冒過在太陰陽明此胃之寒濕鬱遏也太陰腹脹後不利不欲食食則嘔不得卧按內經所說寒脹之多如此中滿治法當開鬼門潔淨府開鬼門者謂發汗也潔淨府者利小便也中滿者瀉之於內謂脾胃有病當令上下分消其氣下焦如瀆氣血自然分化不待泄溼穢如或大實大滿大便不利從權以寒熱藥下之或傷酒濕麯及味厚

之物膏梁之人或食已便卧使濕熱之氣不得施化致令腹脹滿此脹亦是熱脹治熱脹分消丸主之如或多食寒涼及脾胃久虛之人胃中寒則脹滿或藏寒生滿病以治寒脹中滿分消湯主之中滿熱脹鼓脹氣脹皆分消丸主之中滿寒脹寒痛大小便不通陰躁足不收四肢厥逆食入反出下虛中滿腹中寒心下痞下焦躁寒沉厥奔豚不收皆分消湯主之中滿腹脹內有積聚堅硬如石其形如盤令人不

能坐卧合太小便澀滯上喘氣促面白色痿黃通身虛腫廣茂潰堅湯主之二服後中滿減半止有積不消再服半夏厚朴湯。陰陽應象論云清氣在下則生餐泄濁氣在上則生脹脹此陰陽反作病之逆從也夫脹脹者以寒熱溫涼論之此何腹脹也曰此飲食失節爲脹乃受病之始也濕熱亦能爲脹右關脉洪緩而沉弦脉浮於上是風濕熱三脉相合而爲病也是脾胃之令不行陰火亢甚乘於脾胃盛則左遷而陽道不行

行是六府之氣已絕於外火盛能令母實風氣外絕風氣外絕者是穀氣入胃清氣管氣不行便是風氣也異呼同類卽胃氣者是也經云虛則兼其所勝土不勝者肝之邪也是脾胃之土不足水火大勝者也經云濁陰出下竅濁陰走五藏濁陰歸六府濁陰歸地此平康不病之道反之則爲脹也陰陽論云飲食不節起居不時者陰受之陰受之則入五藏入五藏則脹脹閉塞調經篇云下脘不通則胃氣熱熱氣熏胸

中故內熱下脘者幽門也人身之中上下有七
衝門皆上衝上也幽門上衝吸門吸門者會厭
也衝其吸人之氣不得下歸于腎肝爲陰火動
相拒故咽膈不通致濁陰之氣不得下降而太
便乾燥不行胃之濕與客陰之火俱在其中則
腹脹作矣治在幽門使幽門通利泄其陰火潤
其燥血生益新血幽門通利則大便不閉吸門
亦不受邪其膈咽得通膈滿腹脹俱去是濁陰
得下歸地矣故經曰中滿者瀉之於內此法是


也 通幽湯 潤腸丸 脹而太便燥結脉沉
之洪緩浮之弦者宜沉香交泰丸 范天驥大
人先因勞役飲食失節加之憂患氣結病心腹
脹滿且食則不能暮食兩脇刺痛診其脉弦而
細至夜濁陰之氣當降而不降脹脹尤甚大抵
陽主運化飲食勞倦損傷脾胃陽氣不能運化
精微聚而不散故爲脹滿先灸中脘乃胃之募
穴引胃中生發之氣上行陽道後以木香順氣
湯助之則濁陰之氣自此而降矣經曰留者行

之結者散之以柴胡升麻之苦平行少陽陽明
二經發散清氣運行陽分爲君以生薑半夏草
荳蔻益智仁之甘辛大熱消散中寒爲臣以厚
朴木香蒼朮青皮之辛苦大溫通順滯氣以陳
皮當歸人參辛甘溫調和榮衛滋養中氣濁氣
不降宜以苦泄之吳茱萸之苦熱洩之者也氣
之薄者爲陽中之陰茯苓甘平澤瀉鹹平氣薄
引濁陰之氣自上而下故以爲佐氣味相合散
之洩之上之下之使清濁之氣各安其位也

靈樞經云腹滿大便不利上走胸臆喘息喝喝
然取足少陰取者瀉也宜以辛熱散之良薑肉
桂益智仁草荳蔻仁厚朴升麻甘草獨活使黃
柏少許引用又方桂枝桔梗人參陳皮青皮少許良薑
白术澤瀉吳茱萸太陰所至爲畜滿辨云脾
爲陰中之太陰又云脾爲陰中之至陰乃爲坤
元亘古不遷之土天爲陽火也地爲陰水也在
入則爲脾同陰水之化脾有餘則腹脹滿食不
化故無陽則不能化五穀脾盛乃大寒爲脹滿

故脉經云，胃中寒則脹滿，大抵此病皆水氣寒濕爲之也。治宜大辛熱之劑必愈，然亦有輕重。
木香塌氣丸。丹溪云，脾者具坤體之德，而有乾健之運，故能使心肺之陽降，腎肝之陰升，而成天地交之泰。是爲平人。今也七情內傷，六淫外感，飲食失節，房勞致虛，脾土之陰受傷，轉輸之官失職，胃雖受穀不能運化，故陽升陰降而成天地不交之否，清濁相混，隧道壅塞，而爲熱，熱留爲濕，濕熱相生，遂成脹滿。經云，鼓脹是。

也以其外雖堅滿，中空無物，有似於鼓。以其膠固難治，又名曰蠱。若蟲之侵蝕，而有蠱之義焉。宜補其脾，又須養肺金以制木，使脾無賊邪。之患滋腎水，以制火，使肺得清化之令，却酸味，斷妄想，遠音樂，無有不安。醫者不察，急於取效，病者苦於脹滿，喜行利藥，以求通快，不知寬得一日半日，其脹愈甚，而病邪甚矣。真氣傷矣。或問方論，或以胃冷中虛，或以且食則不能暮食，由至陰居中，五陽不布，然也。今丹溪乃云，濕熱



相生則固無寒者歟。日初病因寒飲食與外受寒氣亦或有之。若丹溪之所言者則非一日之病初雖因寒陽氣被鬱久亦成熟矣。經曰諸腹脹大諸病有聲鼓之如鼓皆屬於熱是也。今使心肺之陽降腎肝之陰升即是五陽布之也。何必薑附之熱乎。然先以救其脾胃虛弱者爲本。從而視其標之有餘者治之此亦聖人之旨也。靈樞脹論謂五藏六府皆有脹其脹皆在藏府之外排藏府而郭胸腹脹皮膚胸腹者藏府之


郭也各有畔界各有形狀榮氣循脈衛氣逆爲脉脹衛氣並脉循分肉爲膚脹夫諸脹者皆因厥氣在下榮衛留止寒氣逆上真邪相攻兩氣相搏乃合爲脹也。凡此諸脹其道在一明知逆順針數不失瀉虛補實神去其室致邪失止真不可定麤之所敗謂之天命補虛瀉實神歸其室久塞其空謂之良工以此而觀則聖人未嘗不以補虛爲要曰靈樞脹論多言由厥氣在下寒氣逆上而爲脹也更有他邪之可言乎。曰考

之內經脈要精微篇謂胃脉實氣有餘則脹腹中論謂病心腹滿且食不能暮食名爲鼓脹有病熱者三陽盛入於陰故病在頭與腹乃脹脹而頭痛有病膺腫頸痛胸滿腹脹名曰厥逆風論謂胃風塞不通腹善滿失衣則腹脹調經篇謂形有餘則腹脹溼洩不利志有餘則腹脹餐泄至真大要篇謂諸濕腫滿皆屬於脾六元正紀大論謂土鬱之發心腹脹腸鳴而數後水運太過陰厥上下中寒甚則腹大脰腫寢汗憎。

寒至真大要論謂厥陰司天食則嘔腹脹溏泄在泉病腹脹善噫少陰司天腹脹腹太滿彭彭而喘欬陽明之復脹而泄嘔苦欬噦太陰初氣病中熱脹面目浮腫太陰陽明論謂飲食起居失節入五藏則腹滿閉塞下爲餐泄繆刺論謂有所墮惡血留內腹中滿脹不得前後先飲利藥此上傷厥陰之脉下傷少陰之絡診要謂手少陰終者回黑齒長而垢腹脹閉上下不通而終足太陰終者腹脹閉不得息善噫善嘔

嘔則逆，逆則面赤。不逆則上干不通，面黑皮毛焦而終。陰陽別論謂二陰一陽發病善，脹心滿善氣爲腎膽同逆，三焦不行氣稽於上。陰陽應象論濁氣在上則生，脹滿六元正紀論謂太陰所至爲稽滿，又云太陰所至爲中滿。脉解篇謂太陰子也，十十月萬物氣皆藏於中，故曰病脹。所謂上走心爲噫者，陰盛而上走於陽明，陽明終屬心，故上走心爲噫。所謂食則嘔者，物盛滿而上溢，故嘔。所謂得後與氣則快然如衰者，十

十一月陰氣下衰而陽氣且出。靈樞水脹篇謂鼓脹者腹脹，身皆大與膚脹等，色蒼黃，腹筋起此其候也。經脈篇謂胃氣不足，胃中寒，則脹滿。以前皆寒有，脾胃是動病。胃脘痛，腹脹得後與氣則快然，如衰邪氣論謂胃病者，腹膜脹，胃脘當心而痛，上支兩脇，膈咽不通，飲食不下，又胃是動病。竇響腹脹本神篇謂脾氣實，則腹脹溼溲不利。師傳篇謂足太陰之別公孫虛，則鼓脹。又謂中寒腸中熱，則脹而泄。脹論篇謂榮氣順



脈衛氣逆爲脈脹。衛氣並脈循分肉爲膚脹。脾脹者善噦。四肢煩悅。體重不能勝衣。卧不安。胃脹者腹滿。胃脘痛。鼻聞焦臭。妨於食。大便難。肺脹者虛滿而喘。欬。太陽脹者腸鳴而痛。濯濯有聲。腎脹者腹滿。引背中央。然腰髀痛。膀胱脹者少腹滿而氣癃。肝脹者脇下滿而痛引少腹。膽脹者脇下痛脹。口中苦。善太息。焦脹者氣滿於皮膚中。輕輕然不堅。心脹者煩心短氣。卧不安。小腸脹者少腹脹。引腰而痛。二經諸條之。

論各邪所生之脹。各脹之病狀如此。李東垣嘗引五常政大要云。下之則脹已者。謂西北二方地形高寒。及異法方宜論云。北方之人。藏寒。生滿病。亦謂適寒涼者。脹皆秋冬之氣也。二者盡由寒涼在外。六陽在於坤土之中。坤土者人之脾胃也。五藏之病外寒。必內熱。然陰盛陽虛。故下之則愈。又曰。太抵寒脹多而熱脹少。治者宜詳辨之。予因是而思。豈獨寒熱而已。凡治是病。必會通聖經諸條之旨。然後能識藏府之部分。

形證邪氣之所自來。縱是通腹脹滿，卒難究竟者亦必有脹甚之部與病先起處，即可知屬何藏府之氣受邪而不行者爲先，而後及乎中焦氣交之分。於是轉運不前壅聚，通腹脹滿也。若脾胃受邪，便先是胃脘心下痞氣起，漸積爲通腹脹也。腹屬脾也，屬脾胃者則飲食少，屬他府藏者則飲食如常此亦可驗。又須分其表裏淺深，以脹在皮膚孫絡之間者，飲食亦如常；其在腸胃肓膜之間者，則飲食減少，其氣壅塞於五


藏則氣促急，不食而病危矣。是故病在表者易治，入府者難治。入藏者不治，更要分虛寒實熱。其藏府之氣本盛，被邪填塞不行者爲實，其氣本不足，因邪所壅者爲虛。實者祛之，虛者補之。寒者熱之，熱者寒之，結者散之，留者行之。邪從外入，內而盛於中者先治其外，而後調其中，陰從下逆，上而盛於中者先擗之，亦調其中，使陰陽各歸其部。故內經治法謂乎治權衡去菀陳莝。

開鬼門，潔淨府，宣布五陽，巨氣乃平。此之謂也。
每見俗士，不明其道，專守下之，則張已者，一法耳，雖得少寬，一二日，然真氣未免因瀉而下脫，而邪氣既不降，必復聚成脹，遂致不救。可勝歎哉！因書一二證以驗之。嘉定沈氏子，年十八，患胸腹身面俱脹滿，醫治半月不效。診其脉，六部皆不出也。於是用紫蘇桔梗之類煎服，一盞胸有微汗，再服，則身盡汗，其六部和平之脉皆出。一上日，其證悉平。又一男子三十餘歲，胸腹脹一上日，其證悉平。又一男子三十餘歲，胸腹脹

大發煩躁，渴而亦不得卧，而足冷，手以其人素飲酒，必酒後入內，奪於所用，精氣溢下，邪氣因從之上逆，逆則陰氣在上，故爲脹，其上焦之陽，因下逆之邪，所迫壅塞於上，故發煩躁，此因邪從上逆而盛於上者也。於是用吳茱萸附子人參輩，以退陰逆水冷，飲之以解上焦之浮熱，入咽，覺胸中頓爽，少時，腹中氣喘如牛吼，泄氣五七次，明白其證愈矣。風寒暑濕，脹藿香正氣散，七情脹五膈寬中散，木香流氣飲，沉香

降氣湯 或飲食所傷脾胃虛弱以致水穀聚而不化此寒濕鬱遏而脹香砂調中湯 大怒而脹分心氣飲 憂思過度而脹紫蘇子湯 濕熱內甚心腹脹滿小便不利大便滑泄及水腫大橘皮湯 失饑傷飽痞悶停酸早食暮不能食名穀脹大異香散 雞矢醴治心腹脹滿旦食不能暮食由脾元虛弱不能克制於水水氣上行浸漬於土土濕不能運化水穀氣不宣流上下痞塞故令人中滿旦陽氣方長穀氣易

消故能食暮陰氣方進穀不得化故不能食其脉沉實滑病名穀脹用雞矢白半升以好酒一斗漬七日每服一盞食後臨卧溫服 脾土受濕不能制水水漬於腸胃溢於皮膚漉漉有聲怔忪喘息名水脹大半夏湯 煩躁漱水迷忘驚狂痛悶喘惡虛汗厥逆小便多大便血名血脹人參芽歸湯 有因積聚相攻或疼或脹者初用七氣消聚散日久元氣虛脾胃弱而脹者參术健脾湯少佐消導藥 痰蓄死血而脹腹



皮上見青紫筋小水反利。脉芤濶婦人多有此疾。先以桃仁承氣湯勢重者抵當湯如虛人不可下者。且以當歸活血散調治。勞倦所傷。脾胃不能運化而脹者。補中益氣湯加減法。見勞倦門。太病後飲食失調。脾胃受傷。運化且難。而生脹者。先以化滯調中湯。次以參苓白朮散瀉利。後并過服通利藥。以致脾胃太弱。而脹專以補脾爲主。若瀉痢未止。間用胃風湯。喘滿不得卧。虛者人參生脉散之類。實者草薢湯之。

類 胸膈滿脹。一身面目盡浮。鼻塞。逆清涕流出。當用小青龍湯。二三服分利其經。却進消脹藥。經久患泄瀉。晝夜不止。乃氣脫也。宜用益智子煎濃湯服。立愈。凡腹脹。小腹脹。有腎熱。二焦虛寒。石水。腸癰。女勞疸。金匱云。寸口脉遲。而滑遲。則爲寒。滑。則爲血。不足。趺陽脉微。而遲微。則爲氣遲。則爲寒。寒氣不利。則手足逆冷。手足逆冷。則榮衛不利。榮衛不利。則腹脹。腸鳴相逐。氣轉膀胱。榮衛俱勞。陽氣

不通卽身冷。陰氣不通卽骨寒。陽前通則惡寒。
陰前通則痺不仁。陰陽相得其氣乃行。大氣一
轉其氣乃散。實則失氣虛則遺尿。名曰氣分。
寸口脉沉而遲沉則爲水。遲則爲寒。寒水相搏。
趺陽脉伏水穀不化。脾氣衰則鶩澑。胃氣衰則
身體腫少陽脉卑少陰細。男子則小便不利。婦
人則經水不通。經爲血。血不利則爲水。名曰血
分。師曰寸口脉沉而數數則爲出。沉則爲入。
出則爲陽實。入則爲陰結。趺陽脉微而弦微則

無胃氣者則不得息。少陰脉沉而滑沉則爲在
裏滑則爲實。沉滑相搏血結胞門其痕不瀉。經
絡不通名曰血分。問曰病有血分水分何也。
師曰經水前斷後病水名曰血分此病爲難治。
先病水後經水斷名曰水分此病易治何以故
去水其經自當下。氣分謂氣不通利而脹。血
分謂血不通利而脹。非脹病之外又有氣分血
分之病也。蓋氣血不通利則水亦不通利而尿
少。尿少則腹中水漸積而爲脹。但氣分心下堅

大而病發於上血分血結胞門而病發於下氣分先病水脹後經斷血分先經斷後病水脹也劉立之云氣分之證當以下氣消膨爲先如枳殼散木香流氣飲三和散之類是也金匱方氣分心下堅大如盤邊如旋杯水飲所作桂枝去芍加麻辛附子湯主之良方加味枳术湯治氣分脹滿婦人血分如奪命丹黑神散皆爲要藥血分一證大小產後多有之唯產前脚腫不同產後則皆敗血所致當於血上治之

腸覃者寒氣客於腸外與衛氣相搏氣不得榮因有所繫癖而內着惡氣乃起癰肉乃生其始生也大如雞卵稍以益大至其成如懷子之狀久者離歲按之則堅推之則移月事以時下此其候也夫腸者太腸也覃者延也太腸以傳導爲事乃肺之府也肺主衛衛爲氣得熱則泄得冷則凝今寒客於太腸故衛氣不榮有所繫止而結痕在內貼着其延久不已是名腸覃也氣散則清氣聚則濁結爲瘕聚所以惡氣發起




瘻肉乃生，小漸益大，至期而鼓，其腹如懷子之狀也。此氣病而血未病故也。月事不斷應時而下，本非胎漏，可以此爲辨矣。晞露丸、木香通氣散主之。

石瘕者，生於胞中，寒氣客於子門，子門閉塞，氣不得通，惡血當瀉，不瀉，血以留止，日以益大，狀如懷子，月事不以時下，皆生於女子可導而下。夫膀胱爲津液之府，氣化則能出焉。今寒客於子門，則氣塞而不通，血壅而不流，血以留止，結硬如石，是名石瘕也。此病先氣病而後血病，故月事不來，則可宣導而下出者也。難經云：任之爲病，其內苦結，男子生七疝，女子爲瘕聚，此之謂也。非太辛之劑不能已也。也可服見曉丸和血通經湯。

診 後血病，故月事不來，則可宣導而下出者也。難經云：任之爲病，其內苦結，男子生七疝，女子爲瘕聚，此之謂也。非太辛之劑不能已也。也可服見曉丸和血通經湯。


脉 盛而緊，大堅以濶，遲而滑，皆脈也。關上脉虛，則內脹。脹脉浮大洪實者，易治；沉細微弱者，難治。唇偏舉者，脾偏傾；脾偏傾，則善滿善脹。腹脹身熱，脉大是逆也。如是者，不過十五日死矣。（脹或兼身熱，或兼如腹痛，狀皆不可治，累驗）



大脹四末清脫形洩甚是逆也如是者不及一
時死矣腹脹便血其脉大時絕是逆也嘔
咳腹脹且餐泄其脉絕是逆也少陰終者面
黑齒長而垢腹脹閉上下不通而終矣大陰
終者腹脹閉不得息善噫善嘔嘔則逆逆則面
赤不逆則上下不通不通則面白黑皮毛焦而終
矣

積聚

內經論積有寒氣客於小腸募原之間絡血
之中血泣不得注於大經血氣稽留成積謂之
瘕者有小腸移熱於太陽爲伏瘕爲沉者
有脾傳腎爲疝瘕者有任脈爲病女子瘕聚
者有厥陰司夫溏泄瘕水閉者有二陽三
陰脉並絕浮爲血瘕有腎脉小急亦爲瘕
有伏梁二其一謂少腹盛上下左右皆有根裏
大膿血居腸胃之外其一謂氣溢於太陽而着




於肓肓之原，在臍下，故環臍而痛。靈樞經言積皆生於風雨寒暑，清濕喜怒，喜怒不節則傷藏，藏傷則病起於陰。陰既虛矣，則風雨襲陰之虛病起於上而生積，清濕襲陰之虛病起於下而成積。虛邪中入，始於皮膚，皮膚緩則腠理開，開則邪從毛髮入，入則抵深，深則毛髮立，毛髮立則淅然，故皮膚痛留而不去。傳舍於絡脉，則痛於肌肉，其痛之時息，太經乃代。傳舍於經，則灑淅善驚。傳舍於輸，則六經不通。四肢則肢

節痛。腰脊乃強。傳舍於伏衝之脉，則體重身痛。傳舍於腸胃，則賁響腹脹。多寒則腸鳴，餐泄，食不化。多熱則溏，出糜。傳舍於腸胃之外募原之間。已上數端皆邪氣襲虛留而不去，以次相傳，未曾留着，無有定所。若留着而有定所，則不能傳矣。下文是也。留着於脈稽留，而不去息而成積，不其處。或者孫絡之脉者，往來移行腸胃之間，水湊滲注灌灌，有音有寒，則膜滿雷引，故時切痛。或者於陽明之經者，則挾脅而居，飽食則益大饑則益小。或者於緩筋者，似陽明



之積飽食則痛，饑則安。或着於腸胃之募原者，痛而外連於緩筋。飽食則安，饑則痛。或着於伏衝之脉者，按之應手而動，發手則熱氣下於兩股。如湯沃之狀。或着於督筋，在腸後者，饑則積見，飽則積不見。按之不得。或着於輸之脉者，閉塞不通，津液不下，孔竅乾壅。此邪氣之從外入內，從上下也。此謂風雨襲陰之病，起於上而積生也。積之始生，得寒乃生，厥乃成積也。厥氣生足，足悞生脛寒。脛寒則血脉凝滯，血脉凝滯則寒。

氣上入於腸胃，入於腸胃則腹脹。腹脹則腸外之汁沫追聚，不得散，日以成積。卒然多食飲則腸滿，起居不節，用力過度，則絡脈傷。陽絡傷，則血外溢；血外溢，則衄血。陰絡傷，則血內溢。血內溢，則後血。腸胃之絡傷，則血溢於腸外。腸外有寒汁沫與血相搏，則并合凝聚，不得散，而積成矣。卒然外中於寒，若內傷於憂怒，則氣上逆。氣上逆，則六輸不通，溫氣不行，凝結蘊裏，而不散。津液滌滳，滲着而不去，而積皆成矣。百病皆生篇結作血，此謂清濕蘊起陰之虛病也。



於下而
成積也

內經言積始末明且盡矣

難經五

積不過就其中析五藏相傳分部位以立其名
金匱要略以堅而不移者爲藏病名曰積以
推移而不定者爲府病名曰聚然而二者原其
立名之由亦不過就其盲膜結聚之處以經脉
所過部分屬藏者爲陰陰主靜靜則牢堅而不
移屬府者爲陽陽則推蕩而不定以故名之耳
又有瘵氣者卽飲食之氣滲注停積之名也
巢氏病源於積聚之外復立癰瘕之名謂由寒

溫不調飲食不化與藏氣相搏結所生其病不
動者癥也雖有癖而可推移者瘕也瘕者假也
虛假可動也張子和謂五積者因受勝已之
邪而傳於已之所勝適當旺時拒而不受復還
於勝已者勝已者不肯受因留結爲積故肝之
積得於季夏戊巳日云此皆抑鬱不伸而受
其邪也豈待司夫克運然後爲鬱哉故五積六
聚治同鬱斷如伏梁者火之鬱水鬱則發之是
也復述九積丸食積酸心腹滿大黃牽牛之

類甚者礞石巴荳 酒積目黃口乾葛根麥蘆
之類甚者甘遂牽牛 氣積噫氣痞塞木香檳榔
榔之類甚者枳殼牽牛 涕積咽如拽鉗砂
膩粉之類甚者瓜蒂甘遂 痰積涕垂稠粘半
夏南星之類甚者瓜蒂藜蘆 癥積涕兩脣刺痛
三稜廣茂之類甚者甘遂蝎稍 水積足脛脹
滿郁李商陸之類甚者甘遂芫花 血積打撲
肺瘀產後不月桃仁地榆之類甚者蟲蟲水蛭
肉積癰瘤核瘻膩粉白丁香砭刺出血甚者

硝砂阿魏 每見子和辯世俗之訛必引內經
爲証若此者論病是從難經五積之名論治立
九積丸是從病源攻其所食之物內經之義則
未有發明 然則用內經之義而治當何如曰
內經分六淫六邪喜怒飲食起居房勞各有定
治之法今既論積瘕由內外邪所傷豈不以諸
邪之治法盡當行於其間乎邪自外入者先治
其外邪自內生者先治其內然而天人之氣一
陰陽也是故人氣中外之邪亦同天地之邪也



從手經自上而下者同司夫法平之從足經自下而上者同在泉法治之從五藏氣之相移者同五運鬱法治之從腸胃食物所留者則奪之消之法苑陳萃也若氣血因之滯者則隨其所在以疎通之因身形之虛而邪得以入客稽留者必先補其虛而後瀉其邪大抵治是病必分初中末三法初治其邪入客後積塊之末堅者當如前所云治其始感之邪與留結之客者除之散之行之虛者補之約方適其主所爲治及

平積塊已堅氣鬱已久變而爲熟熟則生濕濕熟相生塊日益大便從中治當祛濕熱之邪其塊之堅者削之鹹以軟之此時因邪久湊正氣尤虛必以補瀉迭相爲用若塊消半便從末治卽住攻擊之劑因補益其氣兼導達經脉使榮衛流通則塊自消矣凡攻病之藥皆是傷氣損血故經曰大毒治病十去其五小毒治病十去其七不得過也潔古云壯人無積虛人則有之皆由脾胃怯弱氣血兩衰四時有感皆能

成積，若遽以磨堅破結之藥治之，疾似去而人已衰矣。乾漆、硇砂、三棱、牽牛、大黃之類得藥則暫快，藥過則依然氣愈消，疾愈大竟。何益哉？故善治者當先補虛，使血氣壯，積自消。如滿座皆君子，則小人自無容地也。不問何藏，先調其中，使能飲食是其本也。東垣云：許學士云：大抵治積，或以所惡者攻之，所喜者誘之，則易愈。如硇砂、阿魏治肉積，神麴、麥蘖治酒積，水蛭、蟲治血積，木香、檀榔治氣積，牽牛、甘遂治水積，雄

貴、膩粉治癰積，礞石、巴豆治食積，各從其類也。若用群隊之藥，分其難，則難取効；須要認得分明，是何積聚，兼見何證，然後增加佐使之藥，不爾，反有所損。要在臨時通變也。治積當察其所痛，以知其病有餘不足，可補可瀉，無逆天時。詳藏府之高下，如寒者熱之，結者散之，客者除之，留者行之，堅者削之，強者奪之，鹹以更之苦，以瀉之，全真氣，藥補之，隨其所積而行之，節飲食，慎起居，和其中外，可使必已。不然，遽以大毒之。

劑攻之積不能除反傷正氣終難復也可不慎
歟 肝之積名曰肥氣在左脇下如覆杯有頭
足久不愈令人嘔逆或兩脇痛牽引小腹足寒
轉筋久則如瘡宜大七氣湯煎熟待冷却以鐵
器燒通紅以藥淋之乘熱服兼吞肥氣丸 肺
之積名曰息貫在右脇下大如覆杯氣逆背痛
或少氣喜忘目瞑膚寒皮中時痛如蟲緣鍼刺
久則咳喘宜大七氣湯加桑白皮半夏杏仁各
半錢兼吞息奔丸 心之積名曰伏梁起臍上

大如臂上至心下久不愈令人病煩心腹熱咽
乾甚則吐血宜大七氣湯加石膏蒲半夏各半
錢兼吞伏梁丸 脾之積名曰痞氣在胃院大
如覆杯痞塞不通背痛心疼饑減飽見腹滿吐
泄久則四肢不收發黃疸飲食不爲肌膚足腫
肉消宜大七氣湯下紅丸子兼吞痞氣丸 腎
之積名曰竇豚發於少腹上至心若豚狀或下
或上無時饑見飽減小腹急腰痛口乾目昏骨
冷久不已令人喘逆骨痿少氣宜大七氣湯倍

桂加茴香炒練子肉各半錢，兼吞奔豚丸。雜
積，通治萬病紫苑丸局方溫白丸厚朴丸。熟
積寒取之于金硝石丸醋煮三稜丸神功助化
散聖散子。寒積熱取之雞爪三稜丸硇砂前
丸紅丸子。胃弱少食勿與攻下。一賢散常服
塊亦自消。驚風成塊者妙應丸加穿山甲炒
鼈甲燒各三錢玄胡索蓬术各四錢每五十丸
加至七十丸以利爲度。脇痛有塊龍蒼丸加
薑黃桃仁各半兩蜜丸。龍蒼丸加白鵝糞大

能消食積或入保和丸。肉積阿魏丸。有正
當積聚處內熱如火漸漸徧及四肢。一白數發。
如此二三日又愈此不當攻其熱。又有元得
熱病熱留結不散遂成癥癖此却當用去熱之
劑。有病癥瘕腹脹純用三稜莪术以酒煨服。
下一物如黑魚狀而愈或加入香附子用水煎
多服取効。又有病此者用薑蘇湯吞六味丸。
六味者乃小七香丸紅丸子小安腎丸連翹丸
三稜煎理中丸六件等也。有飲癖結成塊在

胸腹之間病類積聚用破塊藥多不效此嘗行其飲宜導痰湯五飲湯何以知爲飲其人先曾病瘥口吐涎沫清水或素來多痰者是也又多飲人結成酒癖肚腹積塊脹急疼痛或全身腫滿肌黃少食宜十味大七氣湯用紅酒煎服腹中似若瘕癖隨氣上下未有定處宜散聚湯若氣作竊遊走心腹間攻刺上下隱若雷鳴或已成積或未成積沉香降氣散戴用全竭一
個劈破煎湯調蘇合百九已上磨積之藥必用補氣血藥相兼

服之積消及半即止若純用之致死乃醫殺之也貼塊三聖膏 虞珀膏 大黃朴硝各等分爲末大蒜搗膏和勻貼 穩癥方吳茱萸碎之以酒和煮熱布裹熨癥上冷更炒更番用之癥移走逐熨之候消乃止

婦人血塊 加減四物湯 當歸丸 牡丹散息積 乃氣息痞滯於腸下不在藏府榮衛之間積久形成氣不于胃故不妨食病者腸下滿氣逆息難頻歲不已 化氣湯

倒倉法

用肥嫩黃牡牛肉二十斤，必得三十

斤，方可寧。

使多勿切，成小塊去筋膜，長流水煮糜爛，以布濾去滓，取淨汁再入鍋中慢火熬至琥珀色，則成矣。令病人預先斷慾食淡，前一日不食晚飯，設密室令明快而不通風，置穢搥及瓦盆，貯吐下之物，置一磁盆盛所出之溺，至日病者入室以汁飲一鍾少時，又飲一鍾，積數十鍾，寒月則重湯溫而飲之，任其吐利。病在上者欲其吐多，病在下者欲其利多，上中下俱有者，欲其吐利。

但全不沾口而爲之緩急多寡也。
則進之急，則逆上而下，而利多矣。視其所出之物必盡病根乃止。吐利後必渴，不得與湯，以所出之溺飲之，名輪迴酒，非惟可以止渴，抑且可以浣濯餘垢，行後倦睡覺饑，先與稠米湯飲，次與淡稀粥，三日後方與少菜羹，次與厚粥軟飲，調養半月或一月，覺精神煥發，形體輕健，沉疴悉安矣。其後忌牛肉，數一作五年，夫牛坤土也，薰土之色也，以順爲性，而效法乎乾，以爲功者，牲之用也。肉者胃之藥，
讀解

也熟而爲液無形之物也橫散入肉絡由腸胃而滲透肌膚皮毛爪甲無不入也積聚久而形質成依附腸胃回薄曲折處以爲棲泊之窠臼阻礙津液氣血熏蒸燔灼成病自非刮腸剖骨之神妙可以銳兩丸散窺犯其藩牆戶牖乎肉液之散溢腸胃受之其厚皆倍於前有似乎腫其回薄曲折處肉液充滿流行有如洪水泛漲浮槎陳朽皆推逐蕩漾順流而下不可停畱未者因吐而汗清道者自吐而湧濁道者自泄而

去凡屬滯礙一洗而空牛肉全重厚和順之性益然渙然潤澤枯稿補益虛損寧無精神煥發之樂乎

震天雷 卽倒倉法有入指授韓懋天爵投煎劑治痰而遂推廣之黃牯牛一具選純黃肥澤無病纔一二歲者右洗淨取四腿項脊去筋膜將精肉切作塊子如栗大秤三十斤或四五斤於靜室以大銅鍋或新鐵鍋加長流水煮之不時攢動另以新鍋煮沸湯旋加常使木

淹肉五六寸掠去浮沫直煮至肉爛如泥瀝去
查却將肉汁以細布瀘入小銅鍋用一色桑柴
文武火候不住手攬不加熟水只以汁漸如稀
餳滴水不散色如琥珀其膏成矣此節火候最要小心不然
壞太殷每肉十二斤可煉膏一斤磁器盛之
用調煎劑初少漸多沸熱自然溶化用和丸
劑則每三分攏白麪一分同煮爲糊或同煉蜜
寒天久收若生蠍用重湯煮過熱天冷水窖
之可留二年

診 細而附骨爲積寸口見之積在胸中微出
寸口積在喉中關上積在臍傍上關下積在心
下微下關積在少腹尺中積在氣街脉出在右
積在右脉出在左積在左脉左右兩出積在中
央沉而有力爲積脉浮而毛按之辟易脇
下氣逆背相引痛爲肺積沉而芤上下無常
處胸滿悸腹中熱名心積弦而細二脇下痛
邪走心下足腫寒重名肝積沉而急者腎與
腰相引痛饑見飽減名腎積浮大而長饑減

飽見腹滿泄嘔脛腫名脾積寸口沉而橫脇下及腹有橫積痛左手脉橫癥在左右手脉橫癥在右脉頭大者在上頭小者在下脉弦腹中急痛爲瘕脉細微者爲癥脉沉重而中散者因寒食成癥脉左轉而沉重者氣癥在胃中右轉出不至寸口者內有肉癥也脉細而沉時直者身有癰若腹中有伏梁脉沉小而實者胃中有積聚不下食食卽嘔吐脉沉而緊者心下有寒時痛有積聚關上脉大而尺

寸細者必心腹冷積遲而滑中寒有癥結弦而伏者腹中有癥不可轉也必死不治虛弱者死堅強急者生

痰飲

痰皆動於脾濕，寒少而熱多。濕在肝經謂之風痰，濕在心經謂之熱痰，濕在脾經謂之濕痰，濕在肺經謂之氣痰，濕在腎經謂之寒痰。風痰脉弦面白，四肢滿悶便溺，秘澀心多躁怒，水煮金花丸、川芎防風丸、熟痰丸、洪面赤煩熱，心痛唇口乾燥，多喜笑，小黃丸、小柴胡湯加半夏，濕痰脉緩面白，黃肢體沉重嗜卧，不收腹脹，而食不消，白术丸、局方防已丸、氣

痰脉澀面白氣上喘促洒淅寒熱悲愁不樂。玉粉丸局方桔梗湯。寒痰脉沉面色黧黑小便急痛足寒而逆心多恐怖。姜桂丸局方胡椒理中丸金匱吳茱萸湯。心下痞悶加枳實五錢。身熱甚加黃連五錢。體重加茯苓白朮各一兩。氣逆上加苦葶苈五錢。氣促加入參桔梗各五錢。浮腫加郁李仁杏仁各五錢。大便秘加大黃五錢。以上本出咳嗽門咳嗽篇參看

痰分五色。色白西方本色。色黃逆而之肺。

色紅甚而之丙金受火囚爲難治。青色受風之羈絆。黑如煙煤點順而之北方不治自愈。

經曰飲入於胃游溢精氣上輸於脾。脾氣散精上歸於肺。通調水道下輸膀胱。水精四布五經並行安有所謂痰者哉。痰之生由於脾氣不足不能致精於肺而淤以成焉者也。故治痰先補脾。脾復健運之常而痰自化矣。然停積既久。如溝渠壅遏淹久則倒流逆上。瘀濁臭穢無所不

有若不踈決溝渠而欲澄治已壅之水而使之清無是理也。金匱云其人素盛今瘦水走腸間轆轤有聲謂之痰飲當以溫藥和之又云心下有痰飲者桂苓甘朮湯主之飲後水流在脇下咳唾引痛謂之懸飲十棗湯主之此藥太胃丹代之差緩然飲水流行歸於四肢當汗出而不汗出身體疼重謂之溢飲當發其汗大青龍湯小青龍湯主之咳逆倚息短氣不得卧其形如腫謂之支飲又云嘔家本渴今反不

渴心下有支飲故也小半夏湯主之又云心下有支飲其人苦冒眩澤瀉湯主之通用海藏五飲湯局方倍朮丸丹溪曰痰之源不一有因痰而生熱者有因熱而生痰者有因氣而生者有因風而生者有因驚而生者有積飲而生者有多食而成者有因暑而生者有傷冷物而成者有脾虛而成者有嗜酒而成者其爲病也驚痰則成心包痛顛疾熱痰則成煩躁頭風爛眼燥結怔忡懊憹驚眩風痰成癰瘍大風眩暈

暗風悶亂飲痰成脇痛四肢不舉每曰嘔吐食
痰成瘧痢口出真氣暑痰中暈眩胃黃疸頭疼
冷痰骨痺四肢不舉氣刺痛酒痰飲酒不消但
得酒次日又吐脾虛生痰食不美反胃嘔吐氣
痰攻注走刺不定婦人於驚痰最多蓋因產內
交接月事方行其驚因虛而入結成塊者爲驚
痰必有一塊在腹發則如身孕轉動跳躍痛不
可忍按熱痰用黃連利膈丸當下者用妙應丸
加盆硝等分每服三兩丸亦可用滾痰丸礞痰

用妙應丸加硃砂二錢全蝎二錢每用八丸常
與之三五服去盡驚氣成塊妙應丸加穿山
甲炒鼈甲燒各三錢玄胡索蓬朮各四錢每服
五十丸加至七十丸以利爲度寒痰妙應丸加
胡椒丁香蝎桂各等分每服二十五丸風痰祛
風丸導痰丸酒痰妙應丸加雄黃全蝎各二錢
每服十丸飲痰小胃丹食痰保和丸暑痰消暑
丹 雖安常有言人身無倒上之痰天下無逆
流之水故善治痰者不治痰而治氣氣順則

身之津液亦隨氣而順矣並宜蘇子降氣湯導
痰湯各半貼和煎或小半夏茯苓湯加枳實木
香各半錢吞五套丸或以五套丸料依分兩作
飲子煎服亦好平居皆無他事只有痰數口
或清或堅宜二陳湯小半夏茯苓湯痰多間進
青州白丸子和來復丹名來白丸如和以八神
來復丹卽名青神丸此非特治痰飲尤甚療喘
嗽嘔逆翻胃痰飲流入四肢令人肩背瘦疼
兩手軟痺醫誤以爲風則非其治宜導痰湯加

木香薑黃各半錢大丸病痰飲而變生諸證不
當爲諸證牽掣妄言作名且以治飲爲先飲消
則諸證自愈故如頭風眉稜角疼累以風藥不
効投以寒藥收功如患眼赤羞明而痛與之涼
藥弗瘳界以寒劑獲愈凡此之類非一而足散
在各證門中不復繁引有陰血不足陰火上
逆肺受火侮不得清肅下行由是津液凝濁生
痰不生血者此則當以潤劑如門冬地黃枸杞
子之屬滋其陰使上逆之火得返其宅而息焉

而痰自清矣投以二陳立見其殆。腎虛不能納氣歸原出而不納則積積而弗散則痰生焉八味丸主之。脉來細滑或緩痰涎清薄身體倦怠手足痠軟此脾虛挾濕六君子湯或補中益氣加半夏茯苓。脉來結澀胸膈不利或作刺痛此挾氣鬱宜七氣湯越鞠丸。有人坐處率吐痰涎滿地其痰不甚稠粘只是沫多此氣虛不能攝涎不可用利藥宜六君子湯加益智仁一錢以蠶之。丹 魯菴年七十餘膈門

有痰不快飲食少思初無大害就醫京口投以越鞠丸清氣化痰丸胸次稍寬日日吞之遂不輟口年餘困頓不堪僥幸來就予診治則大肉已脫兩手脉如游絲太谿絕不至矣見予有難色因曰吾亦自分必死但膈間脹不可忍太便秘結不通誠爲寃須臾卽死瞑目矣固強予疏方以至親難辭教用大劑人參白朮煎湯進之少頃如廁下積痰數升胸膈寬舒更數日而歿



Kitasato Memorial Medical Library